



Universitätsbibliothek Paderborn

**R. P. F. Ioannis Nider Ordinis Prædicatorum Theologi De
Reformatione Religiosorvm Libri Tres**

Nider, Johannes

Antverpiæ, 1611

X. Deducit septimum fructum, qui est philosophiæ supremæ profeßio. Et
ostenditur quòd Religio sit vera philosophia.

[urn:nbn:de:hbz:466:1-45728](#)

futura miseria , qui ad tantam pœnam se obligat in præsenti. Ex quibus infert idem Doctor , quod quantum ad consecutionem plenæ remissionis, negotium crucis non perfertur Religioni. Nec solùm putandum est meritum passionis Christi valere in negotio crucis : imò valet in omni pœnali opere, quod propter amorem Christi sustinetur : imò & in omni opere meritorio, quia passio sua virtutem satisfaciendi & merendi omnibus satisfactionibus & meritis dedit. Unde Religiosus habet illá indulgentiam non solùm ex merito proprio , sed etiam ex merito Christi. Hæc de Claremontensi. Concordat cum his Petrus de Palude in 4.d.38. licet priùs in eodem scripto suprà dist. 4.q.3. inuestigando materiam, aliquam distinctionem dederit. Sed in distinct. 38. simpliciter dicit , quod ingressus Religionis , coram Deo ab omni pœna liberet.

C A P V T X.

Deducit septimum fructum , qui est philosophia supremæ professio. Et ostenditur quod Religio sit vera philosophia.

SEPTIMVS fructus Religionis reformatæ est philosophiæ supremæ professio. Dicitur enim philosophia, ut eadem studentibus

*Quid phi-
losophia, &
vnde dicta.*

Sen.ep.89.

bus est notissimum, à φίλος Græcè, quod est amor Latinè, & à σοφία, quod est sapientia, quasi amor sapientiae. Potest enim sapientia vera, sine scientia haberri artium liberalium, teste Seneca dicente: Temperantia scit optimum esse modum cupitorum, non quantum velis, sed quantum debeas, sumere: potest sine liberalibus studiis veniri ad sapientiam. Quamcumque partem rerum humanarum diuinarumque comprehendenderis, ingenti copia quærendorum fatigaberis. Hæc tam multa, tam magna, ut habere possint liberum hospitium, superuacula ex animo tollenda sunt. Laxum spatiū res magna desiderat, totum pectus illi vacet. Plus scire velle quam satis est, intemperantiae genus est. Quid, quod ista liberalium artium consecratio molestos, verbosos, intempestiuos facit, & non ideo discentes necessaria, quia superuacula didicerunt? Quatuor millia librorū Didymus grammaticus scripsit: miser, si tam multa superuacula legisset.

*De consol.
philos.li.1.
prof.1.*

Et Boëtius, loquens de sæcularium philosophia, dicit: Studia Philosophorum, infructuosis affectuum spinis, vberem fructibus rationis segetem necant, hominumque mentes assuefaciunt, morbo, non liberant, quæ dolores eius nullis fouent remediis, sed dulcibus insuper alunt venenis, Sirenes usque ad

ad exitium dulces. Posuerunt ergo tam gentiles Philosophi, quām nostri Theologi, veram philosophiam consistere in diligendo Deum, in acquisitione virtutum, & in meditatione imminentis mortis. Et de tali philosophia verè illud dictum Senecæ locum habet: In obfessa via pauperi pax est, &c. *Sen. ep. 14.*
 Numquam in tantum conualefcet nequitia: numquam sic contra virtutes coniurabitur, ut non philosophiæ nomen venerabile & sacrum maneatur. Sapientia igitur suprema, est Dei Filius, eo teste, qui eamdem, in cælum raptus, studuit. *Nos, inquit, prædicamus Christum, Dei virtutem & Dei sapientiam.* *1. Cor. 1. v. 24.*
Hanc amare & eius amori insistere,
suprema est sapientia. Et ad hoc Religio
principalissimè omnis ordinata est, tāquam
ad potentissimum finem, ut patuit lib. 2. c. 3.
Afferit hoc Augustinus ita in Epistola ad Volusianum prope finem: Diliges, ait, Dominum Deum tuum ex toto corde tuo, & ex tota anima tua, & ex tota mente tua, & ex omnibus viribus tuis, & proximum tuum sicut te ipsum. Hic Physica, quoniam omnes omnium naturarum causæ in Deo creatore sunt. Hic Ethica, quoniam vita bona & honesta non aliunde formatur, quām cum ea quæ diligenda sunt, quemadmodum diligenda sunt, diligentur, hoc est Deus &

Z proxi-

*Epist. 3.
tom. 2.
Mat. 22.*

proximus. Hic Logica, quoniam veritas, lumenque animae rationalis non nisi Deus est. hic etiam laudabilis Reipub. salus, &c. Quae disputationes, quae litterae quorumlibet Philosophorum, que leges quarumlibet ciuitatum, duobus praecceptis, ex quibus Christus dicit totam legem Prophetasque pendere, vlo modo sunt comparandae? Non magnopere igitur est curandum de inanis philosophiae verbis, his, qui ad veram vocati sunt sapientiam. Vnde Ambrosius in Epist. ad Coloss. Ideo, inquit, non legimus quadriuum in Euangeli vel in Epistola, quia curam animae impedit: cum in agnitione Christi, omnem salutem & sapientiam habeamus. His concordant Philosophorum gentilium dicta. Vnde Hermes Trismegitus, alias Mercurius dictus, lib. ad Asclepiadem, sic inquit: Deus te nobis, o Asclepi, ut diuino sermoni intereses, adduxit: quem si intelligens videris, eris omnium bonorum tota mente plenissimus; si tamen multa sint bona, & non unum, in quo omnia: alterum enim alterius consentaneum esse dignoscitur. Philosophia sola est in cognoscenda diuinitate frequens obtutus, & sancta Religio. Simplici enim mente diuinitatem colere, eiusque facta venerari, agere etiam Dei voluntati gratias, quae est sola bonitas plenissi-

Trism. ad
Ascl.

nissima, hæc est nulla animi importuna curiositate violata philosophia. Et post pauca: Hæ sunt enim summæ int̄t̄iones Dei, cùm gratiæ aguntur à mortalibus: hominum adorationibus & laudibus & obsequiis cælum cælestesque delectantur. Hinc Tullius De natura Deorum: Religio est, per quam reuerenti famulatu cærimoniaz diuini cultus exercentur. Luce verò clarior est, in omni regulata Religione creberimum esse, Deum colere, ei gratias agere, adorare, eiusque agnitioni insistere. Quid etiam in virtutum acquisitione, vera philosophia consistat, affirms Hieronymus in lib. I. contra Pelagianos: Hæc est hominis, inquit, vera sapientia, imperfectum esse se nosse: atque, ut ita loquar, cunctorum in carne iustorum imperfecta perfectio est. Qui habet vnam virtutem, habet omnes participatione quidem, iron proprietate. Necesse est enim, ut singuli in quibusdam excellant. Et Augustinus in libro De libero arbitrio: Non aliam putas esse sapientiam, nisi virtutem, in qua cernitur & tenetur summum bonum. Nullo loco est, nusquam deest, foris admonet, intus docet cernentes in se; omnes in melius commutat, à nullo in deterius commutatur: nullus de illa iudicat. Est autem, ut tota Theologorum turma tradit, Religio, status

Quid Religio secundum Ciceronem.

Z 2 per-

perfectionis, seu virtutis acquirendæ, non autem est status perfectionis exercendæ. Vnde ipse Religiosorum habitus, ideo à sacerdotalibus vestibus debet esse distinctus, quatenus Religionem ipsam professo pædagogus

*Cur Religiosorum
habitus à
sacerdotalium
distinctus* philosophiam discendi & tuendi existat. Tra-

In Reg. fus. dit illud B. Basilius sic in sua Regula: Velut, disp. cap. 22 inquam, quidam pædagogus est infirmis habitus ipse Religionis, ut etiam inuitos eos ab opere inhonesto indecentiique custodiat. Non enim similiter turpe est in quolibet alio, si dishoneste quid agat; sicut in his, qui vitâ sobriam etiam ipso habitu profitentur.

*Philosophia
consistit in
meditatio-
nem mortis.* Præterea tertio, si Philosophorum dictis credere placet, philosophiam reperimus eos posuisse in meditatione mortis. Vnde Plato in suis sententiis ait: Mors philosophantibus appetenda est; ipsaque philosophia est meditatio moriendi. Totius Philosophiae robur, est patientia. Testatur idem B. Hiero-

Hieron. ad nymus in Epistola ad Principiam virginem, Piinc. circa de vita & obitu S. Marcellæ. In cuius præconium dicit: Hæc annis plurimis sic suam transegit ætatem, ut antè se vetulam cerneret, quam adolescentulam fuisse meminisset: laudans illud Platonicum: Philosophia est meditatio mortis. Tota autem Religiosorum vita, præparatio quædam esse debet moriendi.

CA-